



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган

E-mail: Info@xs.uz

2011 йил 27 январь, № 19 (5186)

Пайшанба

Ўзбекистон Президенти Ислам Каримовнинг Брюсселга ташрифи Европанинг сиёсий, эксперт-таҳлил ва жамоат доираларида катта қизиқиш уйғотди.
Хусусан, Европа халқаро муносабатлар институти Президенти Ирнерио Семинаторе "Жаҳон" ахборот агентлиги мухбири билан сўхбатда Президент Ислам Каримовнинг Европа Иттифоқи ва НАТОнинг нуфузли институтлари ташрифи ушбу нуфузли тузилмаларнинг Ўзбекистон Республикаси билан муносабатларидаги гоят муҳим воқеа бўлганини таъкидлади.

Ирнерио СЕМИНАТОРЕ:

«ЎЗБЕКИСТОН ПРЕЗИДЕНТИ ЕВРОПА ИТТИФОҚИ ВА НАТО БИЛАН МУНОСАБАТЛАРНИНГ ЯНГИ САҲИФАСИНИ ОЧМОҚДА»

Экспертнинг фикрича, ташриф асосида Президент Ислам Каримовнинг Европа Иттифоқи Комиссияси Президенти Жозе Мануэл Баррозо, ЕИнинг энергетика бўйича комиссари Гюнтер Эттингер ва НАТО Бош котиби Андерс Фог Расмуссен билан учрашув ва музокаралари чоғида Ўзбекистон — ЕИ, Ўзбекистон — НАТО кўп томонлама муносабатларини ривожлантириш истиқболлари оид масалалар юзасидан очиқ ва конструктив тарзда фикр алмашилди.

— Ўзбекистон Президентининг ташрифи воқеаларга жуда бой ва самарали бўлди, деб ҳисоблайман. Учрашувлар чоғида муҳокама қилинган мавзулар нафақат икки томонлама муносабатлар, балки Афғонистондаги вазият, Қирғизистондаги аҳвол, томонларнинг Марказий Осиёда хавфсизлик ва барқарорликни таъминлаш ҳамда терро-

ризм ва экстремизм таҳдидларини бартараф этишдаги ҳамкорлиги масалаларини ҳам қамрагани, менинча, муҳим аҳамиятга эга, — деб таъкидлади И. Семинаторе.

Бельгиялик нуфузли эксперт Ўзбекистон Президенти Ислам Каримовнинг ташрифи доирасида минтакавий ва глобал хавфсизлик ҳамда энергетика каби стратегик масалаларга тааллуқли қатор муҳим ҳужжатлар имзолангани томонлар ўртасидаги муносабатларда ёрқин ижобий ўзгаришни аққол намоян қилганини қайд этди.

И. Семинатореннинг сўзларига кўра, Ўзбекистон Президенти Ислам Каримовнинг Брюсселга ташрифи кўп томонлама ва ўзаро манфаатли ҳамкорликнинг ривожланиши учун янги суръат бахш этди.

(Давоми 2-бетда).

РАҚАМЛАР ЗАМИРИДАГИ САМАРАЛИ МЕҲНАТ

фаровон ҳаётимиз, ёруғ келажагимизнинг муҳим асосидир

Бундан қарийб икки ярим йил аввал бошланган жаҳон молиявий-иқтисодий инқирозининг салбий оқибатларини бартараф этиш, иқтисодий барқарорликка эришиш масаласи жуда кўп давлатлар учун ҳали-ҳануз долзарб бўлиб турибди.

Йирик молия муассасалари, нуфузли компания ва корпорацияларнинг банкротликка учрагани дунё иқтисодиётига миллиардлаб зарар келтирди, миллионлаб кишиларнинг одатий ҳаёт тарзини издан чиқарди. Хусусан, Халқаро валюта жамғармаси ва Халқаро меҳнат ташкилоти ҳамкорлигида ўтказилган тадқиқотда келтирилишича, таназул бошлангандан бери курраи заминимиз бўйлаб 30 миллион киши ўз иш ўрнини йўқотган. Умуман, бугун меҳнат қилишга лаёқатли 205 миллиондан ортиқ одам уларга иш жойи яратиб бериш умидида ҳукуматларига кўз тикиб турибди.

Меҳнат бозоридида бундай оғир вазият, табиийки, қатор мамлакатларда ҳукумат ва халқ ўртасидаги ижтимоий зиддиятларни келтириб чиқармоқда. Экспертлар "Бу хавфнинг олдини олиш учун яқин ўн йил ичида дунёда камиди 45 миллион иш жойи ташкил этилиши керак", деган фикр-ишоратларни сўраётди. Лекин инқироз оқибатлари ҳали тўла бартараф этилмагани, шовмашошарлик билан қабул қилинган чора-тадбирларнинг пухта асосга эга эмаслиги, қолаверса, кичик бизнес ва хусусий тадбиркорлик вакилларининг ташқи омилларсиз иш ўринлари яратиш имконияти тобора сусайиб бораётгани

глобал микёсда ишсизликнинг юқори даражада сақланиб қолишига сабаб бўлмоқда. Инқироздан қутулиш илинжида қатор давлатларнинг ўз иқтисодиётига, хусусан, молия-банк соҳасига улкан маблағларни йўналтириши бюджет тақчиллиги ва давлат қарзларини келтириб чиқармоқда. Демак, таназул барҳам топди, дейишга ҳали эрта.

Мушоҳада

Дунёда мана шундай мураккаб шароит ҳукм сураётган бир пайтда мамлакатимизда иқтисодий барқарорлик сақланиб тургани халқаро иқтисодий ҳамда олимларда катта қизиқиш уйғотмоқда. Бонси (Юртбошимиз ташаббуси билан ишлаб чиқилган, "Ўзбек модели" дея ном олган миллий тараққиёт йўлимиз нақадар тўғри экани амалда қайта ва қайта ўз исботини топмоқда. Яъни маъмурий-бўйруқ-бозор тизимидан бошқарувнинг бозор тизимига ўтиш жараёнида тадрижий ёндашувни, "Янги уй қурмай туриб, эскисини бузманг" деган ҳаётий тамойилга таянган ҳолда, ислохотларни изчил ва босқичма-босқич амалга ошириш йўлини танлаганимиз улкан марраларни эгаллашмишда муҳим пойдевор бўлиб хизмат қилмоқда. Давлатимиз раҳбари 2010

(Давоми 2-бетда).

МАМЛАКАТ БЎЙЛАБ

**Воқеалар,
янгиликлар,
хабарлар**

Конвейерда янги маҳсулот

НАМАНГАН. Нефть ва газ саноати учун асбоб-ускуналар ишлаб чиқаришга ихтисослаштирилган "Наманганмаш" акциядорлик жамиятида ички бозор талабларидан келиб чиқиб, импорт ўрнини босувчи табиий газни тақсимлаш қурилмаси тайёрлаш йўлга қўйилди.

Натижада ўтган қисқа мuddатда корхона жамоаси мижозларга дастлабки 100 миллион сўмликка яқин маҳсулотни етказиб берди. Айтиш керакки, "Наманганмаш" жамоаси яқундан йилда янги қувватларни ўзлаштириш ҳисобига 2,5 миллиард сўмлик маҳсулот ишлаб чиқаришга эришди.

**Қ. НАЖМИДИНОВ,
«Халқ сўзи» мухбири.**

Замонавий технология афзаллиги

СИРДАРЁ. Ширин шаҳридаги "Шохруҳ Демирбек" маъсуляти чекланган жамиятида полиэтилен қоп ишлаб чиқаришга ихтисослаштирилган янги технологик линия ишга туширилди.

Ушбу лойиҳа "Агробанк"нинг Ширин филиали томонидан ажратилган 50 миллион сўмлик кредит эвазига амалга оширилди. Ҳозир 22 киши меҳнат қилаётган корхонада йилга салкам 300 миллион сўмлик маҳсулот тайёрлаш имконияти яратилди.

Вилоятда ўтган йили нозик-оғвақат истеъмол товарларини ишлаб чиқаришни кенгайтириш мақсадида тижорат банклари томонидан ажратилган кредитлар миқдори 11 миллиард 163,7 миллион сўмни ташкил этди.

**Ш. ХОЛМУРОДОВ,
«Халқ сўзи» мухбири.**

Корхона фаолияти кенгайди

ЖИЗЗАХ. Фаллаорлик тадбиркор Рустам Ҳамидов ўзи раҳбарлик қилаётган "Меҳнат" корхонасига гўштни қайта ишлайдиган замонавий технологиялар олиб келиб ўрнатди.

Бунинг учун у "Микрокредитбанк"нинг 22 миллион сўмлик кредити ҳамда ўзининг 50 миллион сўмлик маблағидан самарали фойдаланди. 15 киши меҳнат қилаётган корхонада қисқа мuddатда 18 турдаги 100 миллион сўмликка яқин қолбаса маҳсулотлари тайёрланиб, худуддаги савдо шохобчаларига етказиб берилди.

2010 йилда туманда озиқ-овқат маҳсулотлари ишлаб чиқаришга мўлжалланган 33 та лойиҳа амалга оширилиб, мазкур соҳага ихтисослаштирилган корхоналар томонидан бир миллиард сўмликка яқин маҳсулотлар тайёрланди.

**У. АДИЛОВ,
«Халқ сўзи» мухбири.**

САРМОЯ – РИВОЖЛАНИШ ПОЙДЕВОРИ

Мамлакатимизда изчил амалга оширилган ислохотлар натижасида иқтисодиётнинг барча тармоқларида барқарор ўсиш суръатлари таъминланмоқда. Бу Президентимизнинг Вазирлар Маҳкамасининг 2010 йилда республикани ривожлантириш яқунлари ва 2011 йил иқтисодий дастурининг энг муҳим устувор вазифаларига бағишланган мажлисида маърузасида алоҳида таъкидланди.

**2011 йил –
Кичик бизнес
ва хусусий
тадбиркорлик
йили**

Маълумки, ҳозирги кунда кичик бизнес ва хусусий тадбиркорлик республикамиз иқтисодиётининг таянч қучига айланмоқда. 2000 йилда ялпи ички маҳсулотнинг қарийб 31 фоизи ушбу сектор уллушига тўғри келган бўлса, 2010 йилга келиб, айни шу кўрсаткич

52,5 фоизни ташкил этгани шундан далолат беради. Бунда, табиийки, тижорат банкларининг ҳам муносиб ҳиссаси бор. Жумладан, ўтган йил давомида молия муассасалари томонидан кичик бизнес субъектларига ажратилган кредитлар ҳамми

(Давоми 2-бетда).

ФАРЗАНДЛАР ТАҚДИРИ КЕЛАЖАГИМИЗНИ ҲАЛ ҚИЛАДИ

Ўзбекистон Республикаси Бош прокуратура-сида Вазирлар Маҳкамаси ҳузуридаги Воғна етмаганлар ишлари бўйича комиссия йиғилиши бўлиб ўтди.

Республика Бош прокуратури, мазкур комиссия раиси Р. Қодиров бошқарган йиғилишда ўрта махсус, касб-хунар таълими муассасаларида ўқувчиларни замонавий касб-хунарга ўргатиш, ахборот ва компьютер технологияларини ўзлаштириш, моддий-техник базадан оқилана ва самарали фойдаланиш, битирувчиларни ишга жойлаштириш, уларни кичик биз-

несс ва хусусий тадбиркорлик соҳасига жалб қилиш ҳамда воғна етмаганлар орасида ҳуқуқбузарликларнинг олдини олишга қаратилган қонунчилик ижроси аҳоли, шунингдек, ушбу масала юзасидан Тошкент ва Сирдарё вилоятларида амалга оширилган ишлар муҳокама қилинди. Таъкидланганидек, Кадр-

(Давоми 2-бетда).

1,4 баробарга кўпайиб, 2 триллион 700 миллиард сўмга етди, унинг 485 миллиард сўмдан зиёдроғи микрокредитлар эҳлаглиги, айниқса, диққатга сазовордир.

(Давоми 2-бетда).

“Ozbekiston havo yo'llari” Миллий авиаканьясида матбуот анжумани ташкил этилди.

28 январь — “Ozbekiston havo yo'llari” Миллий авиаканьяси ташкил топганининг 19 йиллиги муносабати билан ўтказилган мазкур тадбирда 2010 йил яқунлари сарҳисоб қилинди.

ҲАВО ЙЎЛЛАРИ ХИЗМАТИ халқаро стандартлар даражасида амалга оширилмоқда

Маълумки, Президентимиз раҳнамолигида мамлакатимиз транспорт инфратузилмасининг етакчи бўғинларидан бири бўлган ҳаво йўлларини ривожлантириш, уни техник ва технологик жиҳатдан янгилаш ҳамда йўловчилар учун зарур қулайликлар яратиш борасида кенг қўлланма ишлар амалга оширилмоқда. Буни 2010 йилда қўлга киритилган натижалар мисолида ҳам кўриш мумкин. Жумладан, йил давомида "А-320-200" русумли 6 та самолёт харид қилиб келингач, қатнов ҳажми ва сифати янада яхшиланди. Ушбу лайнерлар билан бўлтур 883 та қатнов амалга оширилгани ва 103,3 миң йўловчи ҳамда 340 тонна юк ташилгани ҳам шундан далолат бериб турибди.

(Давоми 4-бетда).

НАТИЖАЛАР ТАҲЛИЛ ЭТИЛИБ, ВАЗИФАЛАР БЕЛГИЛАБ ОЛИНДИ

Вилоят ҳокими З. Мирзаев бошқарган йиғилишда халқ депутатлари Самарқанд вилояти Кенгашининг 2010 йил 17 декабрь кўни бўлиб ўтган навбатдан ташқари сессиясида Президентимиз томонидан кўрсатиб ўтилган камчилик ва нуқсонлар ҳамда белгилаб берилган вазифалар чуқур таҳлил қилинган ҳолда, воқо иқтисодиётидаги таркибий қайта ўзгаришларни янада чуқурлаштириш, саноат тармоқларини илдам ривожлантириш, модернизациялаш, техник ва технология жиҳатдан янгилаш ва хорижий инвестицияларни кенг жалб этиш учун қулай шарт-шароит яратиш масалалари муҳокама этилди.

Сарҳисоб

Йиғилишда таъкидланганидек, Президентимиз ташаббуси билан амалга оширилаётган чора-тадбирлар самараси ўларок, вилоятда ҳисобот даврида ялпи худудий маҳсулот ҳажми 13,6 фоизга ўсди. Саноат маҳсулотлари ишлаб чиқариш 20, қишлоқ хўжалиги 7,6, чакана савдо айланмаси 19,9, жами хизматлар 18,5 ва пуллик хизматлар кўрсатиш ҳажми 13,3 фоизга кўпайди.

Бу даврда реал секторга жалб қилинган тижорат банклари кредит қўйимлари 389,6 млрд. сўмни ташкил этди. Тармоқ ва корхоналарни модернизациялаш ҳамда технология қайта жиҳозлаш мақсадлари учун 495,5 миллиард сўмлик инвестиция жалб этилди. Истеъмол товарларини ишлаб чиқаришни рағбатлантириш бўйича қўрилган чора-тадбирлар натижасида озиқ-овқат ва нозик-оғвақат маҳсулотлари тайёрлаш ҳажми сезиларли даражада кўпайди. Утган йил мобайнида вилоятда ўй-жойлар, табиий газ ва ичимлик суви тармоқлари барпо этишга ҳам алоҳида эътибор қаратилди. Жумладан, қишлоқ жойларда намунавий лойиҳалар асосида 21 масивда 650 та замонавий ўй-жой қурилди.

Бултур Олий Мажлис томонидан тасдиқланган Банд-

лик дастури доирасида яратилган янги иш ўринларининг 82,9 фоизи қишлоқ туманлари ҳиссасига тўғри келади. Айни пайтда касб-хунар таълими муассасалари битирувчиларининг 36,3 миң нафари иш билан таъминланганини ҳам айтиб ўтиш жоиз.

Фаоллар йиғилишида эришилган ижобий натижалар билан бир қаторда, айрим соҳаларда камчилик ва нуқсонларга йўл қўйилганлиги ҳам таъкидлаб ўтилди. Хусусан, 9 та йирик саноат корхонасида ишлаб чиқариш ҳажми ўтган йилдагига нисбатан пасайишига йўл қўйилди. Натижада саноат лалари муҳокама этилди.

маҳсулотлари белгиланганидан 31,5 млрд. сўмлик кам ишлаб чиқарилди. Самарқанд шаҳридаги "Самарқанд лифтсозлик заводи" акциядорлик жамияти, "Духоба" корхонаси, "Элхолдинг" илмий-ишлаб чиқариш бирлашмаси, "8 Март" акциядорлик жамияти, "Самарқанд — Бухоро ипак ғилами" ҳамда "Бритиш Американ Тобакоко Узбекистон" қўшма корхоналарида ана шундай салбий ҳолатларга йўл қўйилганлиги ачинарлидир.

Халқ истеъмол моллари ишлаб чиқаришда Нуробод, Иштихон, Булунгур, Пастдарғом ва Қўшработ туманларида суствашиликка йўл қўйилаётганлиги билан келиши қийин. Айни пайтда бир қанча корхоналарда мавжуд имкониятлардан самарали фойдаланмаганлиги оқибатида иш ўринлари қисқариб кетгани қаттиқ танқид қилинди.

Йиғилишда ўтган йил мобайнида йўл қўйилган камчиликларни ҳал этиш, муаммолар ечимини топиш масалалари таҳлил этилди ва 2011 йилнинг устувор вазифалари белгилаб олинди.

Фаоллар йиғилишида Ўзбекистон Республикаси Бош вазирининг ўринбосари У. Розуқуллов сўзга чикди.

**А. САТТОРОВ,
«Халқ сўзи» мухбири.**

АКАДЕМИК ТУРСУН АЗЛАРОВ



Математика соҳасидаги йирик олим, Ўзбекистон Республикаси Фанлар академияси академиги Турсун Азларович Азларов 73 ёшида вафот этди.

Т. Азларов 1938 йили Тошкент шаҳрида туғилди. 1960 йилда Урта Осие давлат университети тугади. 1964 йилда номзодлик, 1974 йилда докторлик диссертациясини ҳимоя қилди. 2000 йилда Ўзбекистон Республикаси Фанлар академиясининг акадими аъзоси этиб сайланди.

Меҳнат фаолиятини 1963 йили Тошкент давлат университети (ҳозирги Ўзбекистон Миллий университети)да ассистент сифатида бошлаган Т. Азларов ўзининг қарийб 50 йиллик илмий-педагогик фаолияти давомида кафедра мудири, факультет декани, Ўзбекистон Фанлар академиясининг Математика институтининг (ҳозирги Математика ва инфор-

мация технологиялари институтининг) бўлим мудири, Ўзбекистон Республикаси Вазиirlар Маҳкамаси ҳузурдаги Олий аттестация комиссияси раиси ўринбасари каби лавозимларда самарали меҳнат қилди.

Таниқли олим ўз шоғирлари билан биргаликда математиканинг эҳтимоллик назарияси бўйича тадқиқот ишлари олиб борди. Унинг ўнлаб монографиялари ва мақолалари мамлакатимиз илмий жамоатчилиги ўртасида яхши маълум.

Захматқаш олим кўплаб ёшларнинг жонқуяр устози эди. Унинг бевосита раҳбарлигида 5 нафар фан доктори ва 30 дан ортқ фан номзоди тайёрланди.

Академик Т. Азларовнинг илм-фан ривожини йўлидаги хизматлари муносиб тақдирланди. У Ўзбекистон Республикаси Давлат мукофотига сазовор бўлган эди.

Йирик олим, меҳрибон устоз, камтарин инсон Турсун Азларовнинг хотираси қалбимизда ҳамisha сақланиб қолади.

Бир гуруҳ дўстлари.

Йилига 3 минг тонна калава ип

Хонқа туманининг Сарапаён қишлоғида калава ип ишлаб чиқаришга ихтисослаштирилган «Жилосун Тошкент» хорижий корхонаси иш бошлади.

Ушбу лойиҳани амалга ошириш учун 1,5 миллион АҚШ долларилек тўғридан-тўғри хориж инвестицияси жалб этилди. Ҳозир бу ерда ўрнатилган замонавий илғор технологиялар ёрдамида йилига 3 минг тонна пахта хом ашёсини қайта ишлаш имконияти вужудга келди.

Муҳими, янги корхона фаолият бошлаши билан 75 киши иш билан таъминланди.

О. РАХИМОВ,
«Халқ сўзи» мухбири.

2011 йил кириб келиши билан инсоният XXI асрнинг иккинчи ўн йиллигига қадам қўйди. Ўтаётган ҳар бир кунимизда янгиликлар, воқеалар ҳамда турли ҳодисаларга гувоҳ бўлаяпмиз. Хусусан, хориж оммавий ахборот воситалари Янги йилнинг дастлабки кунларида АҚШ, Европанинг бир қатор мамлакатлари ҳамда Японияда кузатишган қор бўронлари бу мамлакатлар иқтисодийига катта миқдорда зарар етказгани ҳақида хабарлар тарқатишди. Табиатнинг бу инжиқликлари келтириб чиқарган кўнгилсизликлар фақат шугина эмас.

Яни ноҳуш воқеалар оқибатида кўплаб инсонлар ҳаётдан кўз юмди. Австралия, Бразилия, Филиппин, Германия, Польша каби давлатларда эса юз берган сув тошқинларининг талафотларини бартараф этиш учун миллиардлаб АҚШ доллари миқдорда маблағ талаб этилиши айтилмоқда. Бу каби дилни хира қиладиган ҳодисалар сирасига жорий йил бошида Ер шарининг турли минтақаларида кузатишган осмондан ўлик қушларнинг «ёғилиши» билан боғлиқ воқеаларни ҳам киритиш мумкин.

Шу кунларда жаҳон оммавий ахборот воситаларида катта шов-шувларни келтириб чиқарган яна бир жиддий муаммо — Германияда чўчка ва товукларнинг диоксин захарли моддасидан зарарлангани ҳақида тарқалган хабарлардир. Маълумки, товук гўшти ва туҳуми парҳез таом ҳисобланади. Инсон соғлиги учун фойдали бўлган ушбу маҳсулот таркибида захарли моддаларнинг мавжудлиги истеъмолчилар ўртасида жиддий эътирозларни келтириб чиқарди.

Умуман, диоксин — таркибида кучли захар мавжуд бўлган сунъий модда ҳисобланади. Мазкур кимёвий унсур одамларда саратон ва бепуштлиқ каби хас-

ПАРҲЕЗ ТАОМДАГИ ОҒУ

ОЗИҚ-ОВҚАТ МАХСУЛОТЛАРИ ЕТИШТИРИШГА МАСЪУЛИЯТ БИЛАН ЁНДАШИШНИ ТАЛАБ ЭТМОҚДА

таликларни келтириб чиқаради. Қолаверса, иммунитетни пасайтириш, гўдақ ривожланишини секинлаштириш, организмда моддалар алмашинувини бузиш каби салбий хусусиятларга ҳам эга. Ташвишланарли хижати шундаки, у яна бошқа фавкулда касалликларни келтириб чиқармаслигига ҳам қафолат йўқ. Энг ёмони, диоксиннинг организмда тўла парчалангани учун каммида 30 йилдан зиёд вақт керак бўлади.

Бундай кўнгилсиз воқеа, биринчи галда, Германия қишлоқ хўжалигининг етакчи тармоғи бўлган паррандачилик соҳасига катта зарба берди. Чунки бир қатор мамлакатлар Германиядан чўчка, товук гўшти ва туҳум маҳсулотлари сотиб олишни мутлақо тўхтатиб қўйди. Масалан, Жанубий Корея ҳозирча бу юртдан чўчка гўшти олмаслигини билдириди. Словакия Германиядан товук гўшти ва туҳум келтиришни тақиқлаган бўлса, Буюк

Британия ҳукумати эса бу масалада янада талабчанроқ бўлиш йўлини танлади. Туманли ўлкада мазкур турдаги озиқ-овқатлар олиб келиниши тўхтатилиши баробарида, улардан тайёрланган маҳсулотлар сотилиши ҳам чекланди.

Товук ва чўққалар организмга бу модда қандай тушиб қолгани таажубли, албатта. Текширишлар жараёнида мазкур жониворлар таркибида ушбу кимё-

ларда бир грамм гўшт таркибида 4,99 пикограмм (граммнинг триллиондан бир улуши) микдорда диоксин моддаси борлиги маълум бўлган. Агар бир грамм эт таркибида икки пикограммга мазкур кимёвий унсур бўлса, бу инсон саломатлигига у қадар катта ҳавф туғдирмайди. Аммо организмга тушган оғу кейинги ҳафта барибир ўзининг салбий оқибатларини намён этиши билан анчагина хатарлидир.

кур корхона ишлаб чиқараётган озуқалар таркибида диоксин моддаси борлиги ўтган йилнинг март ойида маълум бўлгани келтирилади. Аммо ўшанда ҳукумат ва истеъмолчилар бу ҳақда оғоҳлантирилмаган. Мутасаддилар эса корхонадаги мазкур нуқсон июль ойида ўтказилган қайта текширув вақтида аниқланмаганини билдиришган. Нима бўлганда ҳам, ҳозир асосий урғу муаммонинг қандай юзага кел-



бўйича комиссари Жон Далли айтиб ўтди.

— Мазкур масала экспертларимиз томонидан обдан ўрганиб чиқилади, — деди у. — Айти пайтада бундай воқеалар яна такорланмаслиги учун чоралар кўриш ҳам муҳим аҳамиятга эга. Шу боисдан Еврокомиссия истиқболда бошқа ишлаб чиқариш соҳаларида ҳам диоксин моддасидан фойдаланишни жиддий назоратга олмақчи.

Сабаби, Германия фермерлар ассоциацияси раҳбари Герт Сонляйтер «Neue Osnabruecker Zeitung» газетасига берган интервьюсида айтишича, «диоксин мижароси» туғайли паррандачилик тармоғи ҳафтасига 40 — 60 миллион евро атрофида зарар кўраётир. Экспертлар ҳозирда ноқ мазкур муаммо туғайли Европарламент йиғилишида Еврокомиссиянинг соғлиқни сақлаш ва истеъмолчилар ҳуқуқларини ҳимоя қилиш масалалари

Албатта, бу каби ноҳуш воқеалар нафақат иқтисодий, балки истеъмолчилар соғлиғи учун ҳам кўнгилсиз асоратлар ва талафотларни келтириб чиқаради. Шу боисдан бу ҳолат давлатларни ташқи бозордан кириб келаётган озиқ-овқат маҳсулотларига янада эътиборлироқ бўлишга ундаши аниқ. Ҳозирги пайтада ҳар бир мамлакат ўз худудига олиб кирилаётган маҳсулотлар сифатини жиддий назоратдан ўтказиши, ўйлаймизки, бундай муаммоларнинг энг мақбул ечимидир.

Фазлiddин АБИЛОВ.

Бугунги глобаллашув даврида ҳаёт тарққибатини ахборот технологияларисиз тасаввур қилиш қийин. Бундай замонавий воситаларнинг барча жабҳаларга изчил таътиб этилаётгани турмуш тарзимиз ва касбий фаолиятимизга қатор ўзгаришлар киритмоқда. Жумладан, бу борадаги ислохотлар самараси мамлакатимиз солиқ идоралари фаолияти тобора такомиллашиб бораётганида ҳам яққол кўзга ташланади.

ЭЛЕКТРОН ИМЗО

қулай, ишончли ва тезкорлиги билан солиқ тўловчиларга манзур бўлмоқда

Эътиборлиси, солиқ идораларининг зарур технологиялар билан таъминланаётгани тадбиркорлик субъектлари ва аҳоли учун қатор қулайликлар яратаяпти. Масалан, айна пайтада хўжалик юритувчи субъектлар томонидан молиявий ҳисоботларни тақдим этишда электрон ҳужжат, яъни электрон имзодан фойдаланиш йўлга қўйилмоқда. Чунки ҳисоботлар электрон кўринишда топширилганда, аввало, арифметик хатоликларнинг олди олинад. Қолаверса, ҳисоботнинг махфийлиги таъминланиб, вақт, ортиқча сарф-харажатлар тежаллади.

Интернет тармоғи орқали амалга ошириладиган мазкур усул бугунги кунда Жиззах вилояти давлат солиқ бошқармаси тизимида ҳам

Қарор ва ижро

кенг қўлланилмоқда. Хусусан, Замин тумани давлат солиқ инспекцияси жамоаси ўтган йил давомида юридик шахс мақомидаги солиқ тўловчилардан электрон шаклдаги 1258 та ҳисоботни қабул қилиб олган бўлса, Жиззах шаҳрида электрон тизим орқали 1550 та ҳужжат алмашинувига эришилди. Муҳими, бу тизим тежамкорлиқни таъмин-

лашда катта аҳамият касб этди.

— Электрон имзо қулай, ишончли ва тезкорлиги билан солиқ тўловчиларни тобора ўзига жалб қилмоқда, — дейди Жиззах шаҳар Давлат солиқ инспекцияси бўлим бошлиғи Дав-

рон Очилов. — Шу боис айна пайтада бу каби замонавий хизматлар қўламини кенгайтириш, сифатини яхшилашга ҳаракат қилаяпмиз. Ўз навбатида, ҳужжатлар тақдим этишга доир мазкур усулнинг афзалликлари кенг тарғиб қилинаётир. Чунки электрон имзодан фойдаланиш ташкилот ҳамда идораларнинг солиқ органлари билан алоқаларини мустаҳкамлаш баробарида, солиқ тўловчиларнинг соҳадаги ўзгариш ва янгиланишлардан ўз вақтида боҳабар бўлишларига хизмат қилади.

Гулҷеҳра УРДУШЕВА,
Жиззах вилояти ДСБ
Ахборот хизмати раҳбари.

Бунёдкорлар учун қулайлик

Изланиш

Кармана туманилик тадбиркор Дилором Астнова ички бозор талабларини чуқур ўрганган ҳолда, сифатли деворбоп материаллар ишлаб чиқаришга ихтисослаштирилган «Кармана-даст» хусусий корхонасини ишга туширди.

40 миллион сўмлик тежамкор технологиялар билан жиҳозланган корхонада ҳозир йилига 3 миллион донагача пишиқ гишт тайёрлаш имконияти мавжуд.

Эътиборлиси, ўтган қисқа муддат-

да «Кармана-даст»нинг 12 кишилик жамоаси худуддаги қурилиш ташкилотларига ярим миллион донага яқин сифатли гишт етказиб берди.

Ҳ. ЭШОНҚУЛОВ,
«Халқ сўзи» мухбири.

ЗАВОД ТЕМЗ ИЗГОТАВЛИВАЕТ И РЕАЛИЗУЕТ:

КРАН БАШЕННЫЙ КБ-403А

Грузоподъемность для строительных-монтажных работ при выверенном весе и грамотном сборке оборудования и строительстве неограниченными значениями

- максимальная грузоподъемность — 37 т.
- максимальная длина стрелы — 30 м (с выкаткой).
- максимальная высота подъема крюка — 21,5 м (высота) — 27,5 м.

АВТОКРАНЫ

для строительных-монтажных работ и обслуживания грузовой и пассажирского транспорта

КС-3577 НА БАЗЕ ШАССИ MAZ

максимальная грузоподъемность — 35 т, в комплектации высота подъема — 20 м (с выкаткой)

КС-4574-1 НА БАЗЕ ШАССИ КАМАЗ

максимальная грузоподъемность — 30 т, в комплектации высота подъема — 20 м (с выкаткой)

КС-65724 НА БАЗЕ ШАССИ КАМАЗ

максимальная грузоподъемность — 21 т, в комплектации высота подъема — 20 м (с выкаткой)

АВТОЦИСТЕРНЫ И АВТОТОПЛИВОЗАПРАВЩИКИ

Объемом 6м³ и 12м³ на шасси МАН, КАМАЗ, MAZ.

Тел.: 269-15-33, 262-63-45, 187-52-05. Факс: 262-23-61, 269-39-66. E-mail: temz@temz.uz www.temz.kran.uz

ACCENT

Кафолат — 2 йил ёки 50 000 км.

МАХСУЛОТ СЕРТИФИКАТЛАНГАН.

HYUNDAI Official Partner www.hyundai.com.uz Tel. (8-371) 250-11-11

NEW THINKING. NEW POSSIBILITIES.

УКРАИНА БИЗНЕС МАРКАЗИ

барчани 2010 — 2011 ўқув йилида шартнома асосида ўқишга кириб, қуйидаги мутахассисликлар бўйича Украинада таълим олишга таклиф этади:

ючлик мутахассис, бакалавр, мутахассис, магистр, ординатор, аспирант ва бошқалар.

Таълимнинг Европа стандартлари! Ўқиниш қабул қилиш — суҳбат асосида!

Ўқиниш мазмуни — қўмрақли, сарфли ва масофавий.

Барча талабларингиз эва бўлган ётқинликлар мавжуд.

Украинанинг ички қисдан энг йуқури қирғиларда қўлаб касблардан бирини эгаллашнинг мумкин. Ўқиниш баъзи, касблар ҳақида ва сизни қизиқтирган бошқа саволлар бўйича қўйидаги манзилга мурожаат қилиш лозим:

Тошкент шаҳри, Уйғур қўчаси, 314-ўй. Муҳолат — Чорсу, 1-шаҳар қасаломаси.

Тел.: (8-371) 242-93-73, 242-84-64, 249-69-39, (+99897) 103-72-34, 158-85-75.

Ўқинишга киришга шошилиш!

«Ўзбекфильм» киностудияси жамоаси кўп йиллар студияда самарали фаолият кўрсатган меҳнат фахрийси **Йўлдош АБДУКАРИМОВ**нинг вафоти муносибати билан марҳумнинг оила аъзолари ва яқинларига чуқур таъзия ифтор этади.

«O'zbekiston» телерадиоканали ДУК жамоаси Ижтимоий-сиёсий ва социал-иқтисодий дастурлар бош муҳарририни катта муҳаррир Абдуфур Маматовга палари бузруквори **Бозорбой ота МАМАТОВ**нинг вафоти муносибати билан чуқур ҳамдардик билдилади.

